

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله بن
یازیلر اعاده اولنماز .

الکتابخانه

۱۳۳۰

آدرس تبدیلنده آریجه
۵ غروش کوندرملیدر .

مکتوبلرک امضاری واضح
واوقوناقلی اولنی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی ییلدیرلمسی
رجا اولنور

اتبعون اهدکم سنیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

خلق طبقه سنده کوزولن بو استبداد تمایلی ، ملتلی اداره ایدن سیاسی صنفلرده مشاهده ایدیور . بوتکامله ، اسکی سیاسی فرقه - لرك تفسیخی تقدم ایتشدر . دون خلقی علاقه دار ایدن مسئله لر ، بو کونک حقیقتلری اوکنده آنجق قیدسزلقله قارشیلانیور . هر مملکتده اسکی سیاسی فرقه لر هب انحطاط حالده در . فقط فکر وآلر برکون ایچده زوال بولازلر . هزاره اینه دن اول ، اوزون مدت مجادله ایدرلر .

بونک ایچوندرکه هر مملکتده اسکی فرقه لر ، کندی اجتهادلرینه ، یکی فکرلری ، بالخاصه اک مفرط نظریه لری ضم ایتک صورتیه اسکی اعتبارلری محافظه چالیشیورلر .

سیاسی فرقه لر مناقشه ایله مشغول ایکن ، حکومتلر فعلیاتده بولونمه مجبوردرلر . جماعتلرک اقتدارسزلنی و بطااتی اوکنده ، مختلف مملکتلرک بوتون باش وکیللری یاواش یاواش حقیقی دیکتاتور کیلیمشدرلر . اسکیدن باش وکیللره مساوی اولان دیگر ناظرلر ، شیمدی مافوق بر آمرک امرلری اجرا ایدن مادونلر حاله کلشدرلر . حربده دوغان بومطلق اقتدار ، قدیم مطلقیت اداره لردن آنجق بر نقطه ده فرق ایدر . اسکی مطلقیت اداره لر آنجق بر عدم اعتماد رأیله ییقیلور . لوید جورج ، انکلتزینی و برآزده آوروپایی بر قاج سنه دیکتاتور کبی اداره ایتدکن صکره شرقده کی فنا سیاستک نتیجه سنده ساده جه بررای ایله ییقیلدی . شیمدی به قدر باش وکیللر ، کندیلرینی اسقاط ایدن پارلمنتولرک رأینه اطاعت ایدرلردی . فقط یکی بر تکامل باشلایور . بوتکامل ایتالیاده باشلامشدر . (فاشیزم) ک ظفرندن نشأت ایدن بو پارلمنتویی استخفاف ، کوستریورک ایلریده ناظرلری اسقاط ایتک شمدیکی قدر قولای اولمایه جقدر .

ملتلرک منفعتلری اوقدر کر قدرتک ، داخلده ممکن اولان استبداد ، خارجده امکانش اولویور . منافع مشترک به عائد منفعتلر ایچون ، مشترک حکومت طاسلاقلرینه مراجعت ایتک لازم کلدی :

قونفره لر ، قونفرانس لر ، مرخصلر ، جمعیت اقوام الخ .. بوکبی مؤسسات هر کون چوغالیور ، فقط اله ایدیلن نتیجه لر مؤثر دکدر . صلحدن بری طوپلانا ان اون بش قونفرانس فائده لی هیچ برقرار اتخاذا ایدمه مشدر .

بومعشری اقتدارلرک المشهوری جمعیت اقوامدر . جمعیت اقوامک شمدیکی نفوذی همان همان صفردر ؛ فقط آ کلاشیلورک ، جمعیت اقوام حقیقی برولایته یعنی مقرراتی اجرا ایتدیره بیله جک برواسطه به صاحب اولدینی کون ، دنیا ، حاکم کل بر مافوق حکومتک اداره سی آلتنده بولونه جقدر . آمریقالیلر آوروپا دیپلوماتلرینک نظردن قاچان بونتیجه یی

صراحة کوردیکی ایچوندرکه جمعیت اقوامه داخل اولانی شدتله رد ایتشدر .

آمریقالیلر ، بویوک بر ملتک اجنبی بر قوته اطاعته مجبور اولسنی بر درلو قبول ایدمه مدیلر . رئیس ویلسونک تخیل ایتدیکی جمعیت اقوام در حال تحملمفرسا بر استبداد حصوله کتیره جکدی . هیچ بر بویوک ملت بونی قبول ایدمه مز .

دنیا یی تهدید ایدن بوتون استبداد شکللری آراسنده اک غیرقابل مسامحه اولانی هیچ شهسز مظفر بر سوسیالیزمک استبدادیدر . بو استبدادک حاکم اوله جنی مملکتلر اوزرینه ، امیدسز بر سفالت چوکر . اهالیسنک قسم اعظمی چفتجیلر تشکیل ایدن بر مملکت بو آفتدن مصوندر . زراع صنفی ، حرب انساننده اولدینی کبی ، صلح دورنده ده آج کوزلی محترصلرک و خولیالره تابع مجذوبلرک تحریک ایتدکلری جمعیتلرده صوک سلاح اوله رق قالمشدر . عمله زراعدن برآز نفرت ایدر ، و بیلیمزکه چفتجینک قاباشکالی آلتنده اکثریا یک چوق ذکا واردر . نه زمان ، ایشنک بوتون تفرعایله اوغراشان بر چفتجی کورسهم ، بر انکلیز ناظرینک یک دوعرو اولان شو سوزی خاطر مه کلیر .

— بویوک بر چفتلکی اداره بیلن بر آدم هند امپراطورلنی اداره به مقتدردر .

آقسام ارزانال - کوستار بوبونه

یکی بر کعبه

مسلمانلری هر طرفه نه نرینک صاریور

آشاعیده کی مکتوب جاوانک « بویتن زورغ » شهرنده کی بر مسلمان طرفدن وقت غزته سنه یازیور . هیچ بر کله سنی طی ایتکسزین نقل ایدیورز :

« هولانده حکومتی بورانک قرق میلیون مسلمان دینداشلمزی درلو درلو وسیله لرله خرسقیانلغه تشویق ایدیور . مسلمان مکتبلرینک درلو درلو بهانه لرله انکشاف و ترقیسنه علناً مانع اولیور . بونک یکانه سبی ایسه قونسولوسسزلقدر . قونسولوسمز رأفت یک افندی ۳ سنه دنبری استانبوله عودت ایتدی ؛ مشارالیه ک زمان مأموریتده بو درجه آچیق اسلام دشمنانی یاییلما یوردی . شیمدی ایسه صوک درجه به واردی . زواللی دینداشلمز بوراده شکایت ایدم جک ، دردلرینی آ کلاته جق مرجع بولامایورلر . صوک کونلرده کعبه معظمه ک بر نمونه سنی باتاویاده بنا وتأسيس ایله اهالی مسلمینی مکّه مکرمه دن واز کچیرمک ایسته یورلر .

شکلرہ کیوریور . بوکون یر یوزنده مسلمانانی محافظہ ومدافعه ایدنلرک
اک ایلریسندہ بولونان ینہ تورکلردر . بناءً علیہ بوخصوصده دیکراقوام
اسلامیہ رھبرلک ایتکده تورکلرہ دوشر .

میسینوزلرہ قارشی «تبشیر اسلام» ، یاخود «مدنیت اسلامیہ» کی
برغوانلہ براسلام تشکیلاتی یاہق ضروری در . بوتشکیلات ینالملل
اولمالیدر . بوتون اقوام ودول اسلامیہ بوکا اشتراک ایتلیدر . بوجعیتک
بویوک برسرمایہ ی اولمالی ، دنیانک ہرطرفندہ کی مسلمانلر بوجعیتہ
معاونت ایتہی اک مہم فریضہ دینہ تلقی ایتلیدر . باشقہ بخارہ یوقدر .
یوقسہ مسلمانلق دھا بویوک فلا کتلرہ اوغرایہ جقدر .

استانبول خانملرینک فرقہ سی

استانبولده بعض قادینلرک «خلق فرقہ سی» نامیلہ بر فرقہ تشکیل
ایتلری مناسبتیلہ اقدام غزہ سندنہ نشر اولونان بر مقالہ دن :
«تورک قادینلری - بورادہ استانبول خانملری تمیزی قولانلق دھا
موافقدر ، زیرا آناطول قادینلرک بوستون باشقہ برحیاتی وار - ، اوت ،
استانبول خانملری ترقی وتجدد یولندہ آرز چوق سواقندہ کی یوروپوشلریلہ
یوروپورلر ، یعنی کاه صیجراہ صیجراہ ، کاه بویوک شاعرمرک :

ہبوب ایدرکی رفتارکز نہ حالتدر !

عجب نسیم سحرندی آفریدہ سکز ؟

بیشلہ تریفایتدیکی برنوع روز کار جریانی خاندہ سریع وسیال حملہ لرلہ...
بعض اوراق تفک اجتماعی انقلابردہ ، بز آرککار ، - ینہ سواقندہ اولدینی
کی - قادینلریمزک آرقہ سندنہ قارقندہ وآرقہ سندنہ یورومکندہ یز ، دوشونہ لم بزم
اون سنہ اولکی یاشایشمز ، کینیشمز وطرز معاشرتمز آرمہ سندنہ یک بویوک بر
فرق یوقدر ، فقط قادینلریمزک ، فقط قادینلریمزک !.. مملکتیک اک ایلری
کلن فکرلی صنئی میانندہ بیلہ اولیلہ کیمسہل وارکہ ، قادینلریمزک دائما استانبول
خانملرندن بحث ایدیورم - بوکونکی حالی لزومندن فضلہ جرأتکارانہ بولقدہ
اصلا تردد ایتیورلر . اوروپانک شمال طرفلرندہ بر قاج مملکت مستثنا اولق
شرطیلہ ، هنوز غرب قادینلری بیلہ پولتیقہ ساحہ سندنہ بزم قادینلریمزک طلب
ایتدکری حقوقہ مالک بولنیورلر . بونلر عصرلردن بری ارککارلہ یان یانہ
باشادقلری ، ارککارہ مخصوص بوتون فعالیتلرہ اشتراک وبوتون مسلککہ انتساب
ایتدکری حالہ هنوز نہ پارلمنتولردہ ، نہ آقاندہ میالردہ ، حتی نہ دارالفنون
کرسیلرندہ یرلری یوقدر ، واقعا بر چوق سیاسی فرقہ لرہ کیردکریخی بیلپورز
آما ، انتخابات مجادلاتہ قاریشدقلرندن خبردار دکاز . فالہ قادین مبعوث ، او
استثنا ایتدیکنر شمال مملکتلرندہ بیلہ حالا «غرائب احوالدن» بر شئی کی
کوستریلیور . دیمک اولیورکہ تورک خانملری آوروپا قادینلریلہ سیاسیات
ساحہ سندنہ صوک درجہ ناموسم بر رقابتہ قالیقیشیورلر ، عادتاً بورقابتی کندیلری
ایجاد ایدیورلر .

آقشام غزہ سندن :

بیلہ صرف قادینلردن مرکب بر فرقہ یی بعض مملکتلردہ اولدینی کی
مثلا ارککارہ دشمن اولان ، ازدواج علیہندہ بولنان قادینلر تشکیل ایدہ بیلیرا
دنیا ناک هیچ بر یرندہ سادہ قادینلردن مرکب بر «فرقہ» موجود دکلدہ .
آرزوایدیلیردی کہ ، خانملریمزک زیادہ عائلہ وازدواج مسئلہ لینہ اہمیت

ہر نہ قدر هنوز موقع فعلہ قونولادی ایسہدہ قلوب مسلمینی رنجیدہ
ایدن بو کی نیات باطلہ نک حصولی ایچون صرف مساعی ایدیورلر .
والحاصل دین مبین محمدی یی اورنادن قالدیرمق ایستہ یورلر . بونک
یکانہ علاجی ایسہ کافی السابق مقتدر ومتدین برقونسلس ایلہ برامامک
موجودیتیدر . متصف اولدیغکنر ملتپورود دین پرورلرککنرہ صیغینیورز .
بو خصوصی غزہ کزلہ یازارق تنور بویوریکز . دین اسلام سزہ
منتدار قالہ جقدر . دیگر طرفلردن اول بورایہ قونسلس وامام
یوللاسولر . مظلوم مسلمانلری قورتاریکز . بو استمدادام جاوالی
قرق میایون اسلامک استمدادیدر . ہرکون ہر ساعت تورک قونسلسنک
وصولندن خبر صوروپورلر . رجا ایدہ رز ، اللہ ودین حق ایچون
لازم کلن مراجعتی در یغ ایتہ ییکز . ہبوز بورادہ خدمتکنرہ منتظرز .
باخصوص ہلال احمر اعانہ سہ قونسلسنک جوق یازدیمی اولاجقدر ؛
زیرا اہالی اسلامیہ اعانہ یوللامق ایچون رسمی بر مرجع بولامایورلر .
خصوصی ہلال احمر جمعیتلری درلو درلو ہسانہ لرلہ منع اولونیور .
ہان جناب حق مجاہدین اسلامک معینی اولسون .

سبیل الرشاد

مسلمان اقوامی آرمہ سندنہ تفرقلر چیقارارق استقلاللری آلدقندن
صوکرہ حیات اجتماعیہ لرینی ییقمق ایچون دہ میسینوز اردولری فعالیتہ
باشلایور . بوکون عالم اسلامک ہر طرفی بو تضیق مادی ومعنوی
آلندہ قبور انمقدہ در . آسیانک اورتہ لرندن باشلاییکز ، جنوبہ اینکز ،
بحر محیط ہندی ساحلاری تعقیب ایدیکنر ، بحر احمر ، بحر سفید ،
بحر محیط اطلسیہ قدر چقیکنر ؛ ہر طرفدن فریا لرک یوکسلدیکنی
ایشیدیرسکنر . بالطبع اسلام بویوک بز بحران کیریور . شیمدی بر
طرفدن بولشہویکلرلہ اوروپا ، دیگر طرفدن آمریقا میسینوزلری
مہاجراتی اسلام ہیئت اجتماعیہ سنک نملارینہ توجیہ ایتشلردر . اسکیدن
تضیقہ معروض قالان مسلمانلرک شخصلری ، ملتلری ایدی . شیمدی
ایسہ دینلری دہ تہلکہ یہ دوشمشدر .

جاودان «وقت» رفیقمرہ کوندریلن شومکتوبدہ ہولاندا حکومتنک
باتاویادہ یکی برکبہ تأسیسی حقندہ کی تصورندن بحث اولونیور بوخبر ،
مستولی حکومتلرک یکی حالت روحیہ لرینی کوسترمک اعتباریلہ بر اہمیت
مخصوصہ یی حائزدر . اگر مسلمانلر عقللریخی باشلرینہ آمازلرسہ دھا چوق
شیلر کورہ جکلردر . بورادن کوندریلہ جک برقونسلس ، برامام نہ یاپہ بیلیر ؟
بوخصوصدہ اساسی برطاقیم تدابیر اتحاد ایتک ایجاب ایدر . شرعیہ
وکالتی بومسلئلرلہ بر آزار اشتغال ایتسہ چوق ایی اولور . مع مافیہ
ہر شئی حکومتہ تحمیل ایدوب برکنارہ چکیلیمکدہ طوغرو دکلدہ .
مسلمانلرک محافظہ سی ایچون کوکدن ملکلرک انجمنی می بکلہ نیور ؟ بونی
یاپہ حق ینہ مسلمانلردر . میسینوز تہلکہ سی کوندن کونہ بویورور وباشقہ